

Dei, aut salutem proximi, sed tantum propriam utilitatem querunt. Hos Christus reprehendit: non autem eos, qui in bonis operibus precipue Deum, eiusque gloriam, ut ultimum finem spectant, mercedem autem solum ut finem proximum respiciunt: qui, nempe, Deum videre cupiunt, ut tanto ardentius, & securius eum diligant. De his nos loquimur, Sanctus Thomas autem damnat amorem mercenarium illius, qui Deum diligit propter bona temporalia, servile enim, ac fordium est, mercedem inveni operi ipso viliores, & vitium est, Deum diligere, propter bona temporalia contra charitatem, que omnia propter Deum imperat diligenda: atamen in bonis operibus spectare mercedem eminentissimam, qualis est visio Dei, Deum ut possessum includentem; fordium non est, sed nobile desiderium. Et in hoc sensu locuti sumus.

QUESTIO II.

De conditionibus requisitis ad meritum.

POST explicatum meritum Iusti quoad assensum, & comparationem ad gloriam; examinanda sunt conditiones, quas habere debet meritum; quod in presenti questione præstabitur.

DUBIUM I.

An actus meritorius debeat esse liber, & qua libertate?

S. I.

Resolutio prior.

SEX conditiones requiruntur, ut actus sit meritorius coram Deo vite æternæ. Tres ex parte actus meritorii, duæ ex parte hominis merentis, & ultima ex parte Dei præmittantis. Ex parte actus meritorii requiritur, ut sit liber, ut sit bonum, & ut fiat in obsequium, & gloriam Dei. Ex parte hominis merentis requiritur, ut sit viator, & in statu gratiæ. Ex parte Dei, ut acceptet tale opus ad præmium. In presenti dubio agemus de prima.

II. Dico ergo primo. Ut actus sit meritorius, debet esse liber libertate indifferentie. Probatur primo ex Sacris Litteris, Ecclesiasticis, cap. 31. v. 10. ubi dicit: Qui potuit transgredi, & non est transgressus, facit mala, & non facit; continuo subiungit v. 11. Ideo stabilita sunt bona illius in Domino, & elemosynæ illius enarravit omnis Ecclesiæ Sanctiorum. Quibus significatur, eum talia meruisse, quia libere, id est, cum potuisset transgredi, non est transgressus. Item Paulus, 1. Cor. 9. vers. 17. Si enim (inquit) volens hoc ago, mercedem habeo: si autem invitus, dispensatio mihi credita est.

III. Adest etiam ratio. Primo: quia res multa, ut Sol, Luna, campi, vineæ &c. nobis multa commodum præstant, & tamen non dicuntur de nobis proprie bene mereri; quia non libere agunt, nec possunt aliud facere, quam faciunt. Secundo: merito debetur merces: debitum autem non oritur, nisi ex eo, quod damus alteri, quod nostrum est, & cuius liberi, ac domini sumus: si enim alienum, vel id, cuius domini non sumus, daremus, nil nobis deberetur: sed nihil proprie nostrum est, nihil sub dominio habemus, nisi quod nostrum subest arbitrio, ut possimus dare, & non dare; ergo in his tantum meremur, que nostrum subest arbitrio. Tertio: merito debetur laus, sicut demerito vituperium; sed laus debetur soli actui libero: in eo enim, quod ex necessitate facimus, nec laudandi, nec vituperandi sumus; ergo &c.

IV. Ex hoc inferitur, quod non quocumque libertas sufficit ad meritum, sed debet esse libertas indifferentie, seu a necessitate. Quare Innocentius X. hanc Janfenii propositionem, ordine tertiam, damnavit: Ad merendum, & demerendum in statu naturæ lapsæ, non requiritur in homine libertas a necessitate, sed sufficit libertas a coactione; Quam hæreticam pronuntiaverat S. Thom. quæst. 6. de Malo art. unico. his verbis: Quidam perverserunt, quod voluntas hominis ex necessitate movetur ad aliquid eligendum; nec tamen ponebant, quod voluntas cogitur... Hæc autem opinio est hæretica, tollit enim rationem meriti, & demeriti in humanis actibus. Non enim videtur esse meritorium, vel demeritorium, quod aliquis sit ex necessitate agit, quod vitare non possit. Et profectus ostendens, eam opinionem tollere laudem, & vituperium, & totam Philosophiam moralem evertere. Sed hanc questionem pro dignitate tractavimus Tom. I. in 1. & 2. agentes de Voluntario libero, art. 2. que huc revocanda sunt.

V. Sed dices primo. Meritum dependet ex acceptatione præmittantis, ut dicemus; sed præmians acceptare potest tam actiones liberas, quam necessarias: sicut ad Martyrii palmam Deus acceptavit mortem SS. Innocentium, quam non liberam; ergo &c.

VI. Respondeo, posse quidem præmittentem acceptare actionem non liberam, non tamen ad meritum; cum non sit capax, & idonea pro merito. Sic privilegio singulari acceptavit Innocentium mortem ad vitam æternam, & ad gloriam Martyrium; non tamen ad meritum, cuius, quia incapaces libertatis, incapaces erant.

XII. Si infans. Actus liber, & necessarius gaudet eadem bonitate: cur ergo si liber est capax meriti, actus necessarius

capax non erit? Respondeo, quod liberum, & necessarium, gaudere quidem eadem bonitate physica, & objectiva, non autem morali: quia dignitas, & laudabilitas moralis in libertate indifferentie fundatur, ut dictum est.

VIII. Dices secundo. Christi merita fuerunt maxima; & tamen Christus non libere, sed necessario Deum diligebat, quia erat beatus.

Confirmatur. Christus stante impeccabilitate, & præcepto Patris de morte subeunda, non poterat non mori: & consequenter necessario, & non libere libertate indifferentie mortuus est; & tamen sua morte nobis meruit salutem; ergo &c.

IX. Respondeo ex D. Thom. 3. part. quæst. 19. art. 3. ad 1. quod Christus simul viator fuit, & Comprehenfor; & ideo duplex in eo erat dilectionis actus. Unus regulatus a scientia beata; & hic necessarius erat: alius regulatus a scientia infusa; & hic liber erat, & ex huius imperio meritum Christi procedebat. Unde concludit D. Thom. Et ideo, quia non est viator, non est in statu merendi.

X. Ad Confirmationem dico, Christum non necessario mortuum esse, sed libere. Quomodo autem hæc libertas fieri potuerit cum ejus impeccabilitate, & præcepto Patris de morte, difficultas est, que semper torset Theologorum ingenia, & in Tractatu de Impeccabilitate Christi discutitur. Nunc dicimus, Christum libere mortuum fuisse, quia licet non potuerit non mori in sensu composito, conjungendo nimirum non mori cum existentia præcepti de morte; quia carentia mortis conjungenda cum præcepto de morte esset peccatum; poterat tamen non mori in sensu diviso, id est, carentia mortis absolute, & divisive a præcepto ponenda; quia non mori, præcise a præcepto de morte, nullum peccatum est.

XI. Dices tertio. Satisfactio non requirit libertatem: Anima enim in Purgatorio satisfaciunt pro peccatis præteritis, & tamen non libere: ergo neque meritum requirit libertatem.

XII. Respondeo, neg. ant. Ut enim docet Div. Thom. in 4. dist. 17. quæst. 2. art. 4. quæst. 3. ad 3. Pœna illa, quam anima in Purgatorio sustinet, non potest proprie dici satisfactio, quia satisfactio opus meritorium requirit; sed largo modo dicitur satisfactio pœna arbitraria solutio.

S. II.

Posterioris resolutiones.

XIII. Dico secundo. Actus, ut sit meritorius, debet esse actus formalis, & positivus; adeo ut ad meritum non sufficiat pura omisso mali. Prob. Tunc quia: meritum debet esse in obsequium præmittantis, ut dicemus: ac obsequium requirit actum positivum; ergo & meritum. Tum quia: meritum debet esse voluntarium; sed pura omisso mali non est voluntaria: ergo &c.

XIV. Sed obicit primo. Pura omisso in sententia peccatorum potest esse culpabilis, & demeritoria; ergo etiam potest esse meritoria.

XV. Respondeo, omisso ant. neg. conf. Plus enim requiritur ad meritum, quam ad demeritum: quia bonum est ex integra causa, malum autem ex quocumque defectu. Ita D. Thom. 2. 2. quæst. 78. art. 3. ad 4. Et ratio est: quia positus his rebus conditionibus, posse, teneri, & non facere, imputatur non facere, ratione actus intentionem mali. Autem non concurrunt ad puram omissionem mali.

XVI. Obicit secundo. Declinare a malo est meritorium; sed declinare a malo est omisso mali; ergo &c.

XVII. Respondeo, declinare a malo esse meritorium, non quatenus dicit puram negationem actus; sed quatenus dicit actum voluntatis positivè repudiantis malum. Si enim quis, urgente tentatione, suspenderet omnem actum etiam internum; talis suspensio non esset laudabilis, sed periculosa. Unde debet actu positivo malum reprobare.

XVIII. Obicit tertio. Si Deus præcipere alicui, abstinere ab omni actu, omisso omnis actu erit materia obedientiæ; ergo erit meritoria.

XIX. Respondeo, tunc omissionem quidem omnium actus externi fore meritorium; non vero omissionem omnium actus etiam interni; & hæc nec esse potest effectus obedientiæ laudabilis, cum non sit voluntaria.

XX. Obicit quarto. Christus, etiam dum dormiebat, merebatur; & tamen tunc nihil operabatur.

XXI. Respondeo, neg. min. In Christo enim, dum dormiebat, aderat actus scientiæ infusæ, & actualis usus liberi arbitrii; unde de se dicere poterat: Ego dormio, & cor meum vigilat (Cant. 5. vers. 2.) quod non accidit in nobis. Verum itaque semper est, quod mereri proprie, est facere aliquam actionem, unde aliquis iuste sibi acquirit mercedem; ut dicit S. Thom. quæst. de Virg. in comm. vers. 1. ad 4.

XXII. Dico tertio. Libertas requisita ad meritum non debet esse contrarietas, scilicet ad bonum, & malum; sed sufficit libertas contradiçionis, scilicet ad facere, & non facere, ad facere hoc, & facere illud. Patet in Christo, & in Angelis in primo instanti: quibus certe fuit meritum rigorosum, & tamen non fuit libertas contrarietas, quia non poterant peccare. Et ratio est: quia libertas ad malum non est de essentia libertatis, sed defectus ejus.

DUBIUM II.

An actus meritorius debeat esse bonus, & in obsequium Dei.

S. I.

Resolutio prior Pars.

I. Dico primo. Actus, ut sit meritorius, debet esse bonus, & laudabilis. Probatur. Ut actus sit meritorius, debet esse dignus præmio: sed actus moraliter malus non est dignus præmio, sed pœna, actus iudicandus in individuo, vel non datur, ut supra ostendimus; vel si admittatur, non est, cur potius præmio, quam pœna dignus sit; ergo &c.

Confirmatur. Meritum præmii supernaturalis, de quo hic loquimur, debet actu respicere bonum, cum sit peccatum, actu non respicit Deum, ut ultimum finem. Nam, vel est peccatum morale; & sic positive deordinat a Deo ultimo fine. Vel est veniale; & sic, esse non deordinat a Deo ultimo fine, ad illum tamen actum non refertur: unde non potest esse capax meriti, & præmii, sed pœna.

II. Dices primo. Peccans venialiter, si in gratia sit, adhuc ordinatur ad vitam æternam; ergo actus venialiter peccaminosus, & non bonus, est meritorius vite æternæ.

III. Respondeo, peccantem venialiter ordinari ad vitam æternam, ratione aliorum actuum bonorum, que fecit: non autem ratione actus peccaminosi etiam venialiter. Nam hic esse non excludat ab homine existente in gratia meritum personale vite æternæ, ratione aliorum actuum bonorum, que fecit: sua tamen malitia impedit, ne per ipsum homo mereatur.

IV. Dices secundo. Rectatio divini Officii cum evagatione mentis est mala; sed hæc potest esse meritoria; si enim quis ex amore Dei incipiens recitare officium, in progressu evagetur mente: talis evagatio, ex vi illius primæ intentionis, est meritoria præmii supernaturalis.

V. Respondeo, dist. maj. Cum evagatione mentis est mala, si sit voluntaria, conc. majorem, si sit involuntaria, nego maj. Voluntaria ergo evagatio mentis in recitatione divini Officii mala est, neque subditur primæ illi intentioni recitandi illud ex amore Dei; sed potius interruptit influxum actus charitatis præcedentis: ideoque non est meritoria præmii supernaturalis. Ita S. Th. 2. 2. q. 83. a. 13. ad 3. dicens: Si quis ex proposito in oratione mente evagetur, hoc peccatum est, & impedit orationis fructum... Evagatio vero mentis, que fit præter propositum, orationis fructum non tollit.

S. II.

Resolutio Pars posterior.

VI. Dico secundo. Actus meritorius præmii supernaturalis debet fieri in obsequium Dei. Probatur. Meritum enim cum respicit retributionem ab eo, qui præmium redditurus est, debet ad illum dirigere, & ordinari, & in ejus gratiam fieri; opus enim, quod ad præmittentem non dirigitur, quomodo potest ab illo exigere retributionem? Sed opera nostra meritoria respiciunt retributionem reddendam a Deo; ergo debent dirigere, & fieri in obsequium Dei: alias lamentaretur iustus, ut olim per prophetam, Isaia 59. v. 13. Populus iste ore suo, & labiis suis glorificat me, cor autem ejus longe est a me.

VII. Nec dices primo. In humanis potest quis deestari corde præmittentem, sique opus suum non facere in obsequium ejus; & tamen apud præmittentem mereri; ergo similiter &c.

VIII. Respondeo enim, neg. conf. homo enim non penetrat cor, nec respicit ad intentionem operantis, sed ad ipsum opus: unde si opus ex se, vel exterius tendat ad utilitatem præmittantis, est intentio alio ipsum dirigat, homo fit debitor retributionis. Non sic autem apud Deum, qui cum penetrat cor, & ad eum respicit, non sufficit, ut ei opus exhibeatur: nisi etiam exhibeatur intentio, ut scilicet opus sincero corde propter Deum summe dilectum fiat.

IX. Nec dices secundo. Homo existens in gratia, & faciens actum spei supernaturalis, mereatur præmium supernaturalis: sed in exercitio talis actus attendit, non ad Deum, sed propriam utilitatem, quia spes respicit bonum divinum, ut bonum nostrum; ergo &c.

X. Nam respondeo, dist. min. Ut bonum nostrum in rationi objecti, seu finis proximi, conced. minor. In ratione finis ultimi, neg. min. Homo enim existens in gratia respicit Deum, ut ultimum finem suum actionem: sique dum exercet actum spei tendentem in propriam utilitatem in obsequium Dei refundit.

XI. Sed dices tertio. Ut actus fiat in obsequium Dei, requiritur influxus charitatis, sed ad meritum, in probabilis sententia, non requiritur influxus charitatis; ergo &c.

XII. Respondeo, quod, ut infra dicemus, ad meritum esse non requiritur influxus actualis charitatis, virtualis tamen requiritur. Admitta tamen, pro casu presenti, opinione non requirunt ad meritum influxum nec virtuale charitatis dico, requirere saltem habituale: quatenus persona habitualiter Deo grata omne opus bonum, quod facit, censetur facere in obsequium Dei, & esse opus Deo gratum, & coram ipso meritorium.

Conti Theol. Tom. II.

DUBIUM III.

An ad meritum requiratur status vis, & status gratiæ?

S. I.

Resolutio prima Pars.

I. Dico primo. Ad meritum requiritur, ex parte personæ merentis, status viatoris. Aperte colligitur ex Scripturis; dicitur enim Ecclesiastæ 9. v. 5. mortui vero nihil novunt amplius, nec habent ultra mercedem. Ubi Hieronymus ait: Mortui nihil valent ad illa accipere, quod semel fecerunt rulerunt de vita, neque expectant aliquam retributionem, acque mercedem: ultra eam scilicet, quam dum viverent, meruerunt. Et ibidem c. 11. v. 3. Si desideris lignum ad Austrum, aut ad Aquilonem, in quocumque loco cecideris, ibi eris. Quibus, per casum ligni, mors hominis designatur. Et per ly ibi eris indicatur, meritum, vel demeritum hominis in alia vita nec augeri posse, nec minui. Unde Paulus, ad Galat. 6. v. 10. sic inferebat: Ergo, dum tempus habemus, operamur bonum ad quando nemo potest operari. Ubi per diem dicebat: hæc operari opera est, qui misit me, donec dicitur: Venite nos, operari opera est, qui misit me, donec dicitur: Venite nos, quando nemo potest operari. Quare S. Th. 2. 2. q. 13. a. 4. ad 2. Mereri (inquit) & demereri pertinet ad statum vis.

Unde bona in viatoribus sunt meritoria, mala vero demeritoria. In Beatis autem bona non sunt meritoria, sed peccata ad eorum beatitudinis præmii: & similiter mala in damnatis non sunt demeritoria, sed peccata ad damnationis pœnam.

II. Ratio quoque consonat. Tum quia meritum dicit viam, & tendentiam ad præmium, tamquam ad terminum: ergo meritum proprium est eorum, qui sunt in statu vis. Tum quia ad divinam providentiam pertinet, stabilire tempora pro merito, & pro præmio. Cum igitur non possit esse tempus alterius vite; sequitur, quod solum tempus hujus vite destinari debuit ad merendum præmium; maxime quia meritum ex natura rei antecedit præmium, & hæc vita antecedit, altera subsequitur.

III. Sed obstat videtur, quod anime Iustorum in Purgatorio, imo & in Patria, aliquid merentur, saltem de congruo; siue nobis, dum pro nobis orando multa impetrant: siue sibi merendo augmentum suæ beatitudinis, saltem de congruo.

IV. In hac materia sunt qui concedant animabus purgantibus, imo & Beatis aliquod meritum saltem de congruo, respectu aliorum; illudque solum negant, ad merendum sibi beatitudinem essentialem. Sunt etiam, qui dicant, Beatos, non quidem actu beatifico, sed aliis actibus liberis, & bonis posse sibi mereri augmentum beatitudinis, saltem accidentaliter. Probabilis tamen censetur, negandum esse extra statum vis posse omne meritum etiam de congruo.

Quare distinguendum censetur meritum etiam de congruo a simplici impetratione (quod indicat S. Thom. hac q. 114. a. 6. ad 3.) quod simplex impetratio ratione fundatur in pietate, & misericordia concedentis: hæc enim ratio etiam oratio peccatoris potest esse impetratoria: unde magis impetratorie esse poterunt orationes animarum, vel Purgantium, vel Beatorum, absque ea, quod meritorie adhuc de congruo sint in se ipsi. Ut enim superius dicebamus ex D. Th. 2. 2. q. 13. a. 4. ad 3. bona, que Deus concedit Beatis sive spem, siue pro aliis, pro quibus orant, sunt præmium beatitudinis ipsorum respondentis meritis, que habuerunt in vita; non meritis, que addant, dum sunt in Patria. Nam ut dicit S. Th. in 3. dist. 18. q. 1. a. 2. ad 2. Beati non sunt in statu acquiriti secundum aliquod sui: & ideo nec sibi, nec aliis merentur: quia quod impetrant modo nobis, concipit ex hoc, quod prius, dum viverent, meruerunt; ut hoc impetrarent; quod confirmat de Angelis beatis 1. p. q. 63. a. 7. ad 3. Ubi postquam dixit, gaudium eorum de conversione peccatoris pertinere ad præmium accidentale, quod augeri potest usque ad diem iudicii, subiungit: Unde quidam dicunt, quod quantum ad præmium accidentale mereri possunt. Sed melius est, ut dicatur, quod nullo modo aliquis Beatus mereri potest, nisi sit vis, vel viator, & Comprehenfor: si Christus, qui solus fuit viator, & Comprehenfor. Prædictum enim gaudium magis acquiritur ex virtute beatitudinis, quam illud mereatur.

S. II.

Resolutio secunda Pars.

V. Dico secundo. Ad meritum coram Deo requiritur, quod persona mereas sit in gratia justificante. Hoc supponit Tridentinum, Sess. 6. c. 16. & Can. 32. ubi agit de merito hominis iustificati per gratiam: & colligit ex illo Joan. 15. v. 4. Sicut palme non possunt ferre fructum a semetipso, nisi manserint in vite: sic nec vos, nisi in me manseritis. Que verba, c. 16. citato, sic exponit: Cum enim ille ipse Christus Jesus tamquam caput in membra, & tamquam vite in palmetes; in ipso iustificatos iugiter virtutum influxum, que virtus bona eorum opera semper antecedit, & comitatur, & subsequitur: & sine qua nullo pacto Deo grata, & meritoria esse possunt. Ex quibus dico sic: opera hominis non possunt esse Deo grata, & meritoria, nisi ex influxu Christi, ex quo unice nostra opera habent valorem meriti vite æternæ; ergo

X 4

ante infusionem gratia homo nondum est percipere divini esse: unde actus sui sunt omnino improprietati ad merendum ali-

X. Objicies tertio. Rixid meriti est gratia, vel charitas: sed efficacia merendi non potest excedere suam radicem: ergo nullus potest majorem gratiam, vel charitatem mereri, quam habet.

XI. Respondeo primo, dist. min. Excedere in virtute suam radicem, eo. min. in quantitate, nego min. Ut enim docet D. Th. hac q. 114. art. 8. ad 2. Augmentum gratia non est supra virtutem praeexistens gratia, licet sit supra quantitatem ipsius, sicut arbor, est sit supra quantitatem seminis, non est tamen supra virtutem ipsius.

XII. Respondeo secundo cum eodem S. Th. in a. dist. 27. q. 1. art. 5. ad 1. Quamvis enim premium, quod quis meretur, sit majus, quam gratia, qua meretur; non tamen sequitur, quod sit major efficacia merendi in actu, quam exigit gratia informans actum. Constat enim, quod per actum meritorium charitate informatum meretur qui charitatem perfectam, qualis est charitas Patris, que longe major est charitate via, elicentia actum meritorium. Cum enim dicitur, quod efficacia merendi in actu meritorio, respondeat quantitati gratia; non intelligitur commensuratio quantitatis praeiudicium ad principium merendi secundum aequalitatem, sed proportionalitatem quadam actus meritorii ad principium merendi: quia quanto charitas, & gratia major est, tanto contingit per actum meritorium majus premium mereri.

XIII. Nec tamen hinc inferas, cuilibet actui meritorio statim respondere augmentum gratia. Nam (ut ait S. Th. hac q. 114. art. 8. ad 3.) Quilibet actus meritorio meretur homo augmentum gratia, sicut & gratia consummationem, qua est vita aeterna. Sed sicut vita aeterna non statim redditur, sed suo tempore: ita nec gratia statim augetur, sed suo tempore, cum scilicet aliquis fuerit dispositus ad gratiam augmentum.

XIV. Neque etiam inferas, quemlibet actum esse de facto meritorium augmenti gratia. Nam, ut docet S. Th. in 2. dist. 27. q. 1. art. 5. ad 2. Quando actus meritorius se habet ad premium, solum in ratione meriti, tunc verum est: sicut qui per unum actum ejusdem rationis meretur premium, ita & per alium. Secus autem est, quando actus meritorius se habet ad premium, non solum ut meritorium, sed quodammodo ut causa: & sic se habet actus meritorius ad augmentum gratia. Unde non oportet, quod quilibet actus meritorius augmentum gratia mereatur; quia non in quolibet actu meritorio invenitur illa conditio, per quam ex actu consequitur augmentum habitus: sed solum in illo actu, quo quis utitur accepta gratia secundum proportionem suarum virtutum, ut in nullo gratia Dei desit per negligentiam.

S. III.

Quaestio Resolvuntur.

XV. Quiritur primo: An quo persona est magis Deo grata, eo, ceteris paribus, majus premium de condigno mereatur, ita ut, si duo faciant idem opus per omnia aequalia, unus tamen sit altero dignior, seu sanctior: ille magis mereatur, quia majorem habet dignitatem, seu sanctitatem.

XVI. Respond. sententiam affirmativam videri probabiliter. Dummodo tamen in opere personae dignioris concurrant caetera ad meritum requisita, & praecipue imperium charitatis, non pure habituale, sed vel actuale, vel virtuale: ita ut ex duobus aequali charitatis influxu operantibus, ille, qui habitualiter Deo est magis gratus, & amicus, majus premium a Deo mereatur, non solum de congruo, sed etiam de condigno.

XVII. Et quidem personam magis Deo gratam aequali charitatis influxu operantem facilius impetrare, & magis, saltem de congruo, mereri, patet ex Gen. 20. de Abraham. Exodi 17. de Moysse, & alibi. Josue 10. de ipsomet. 1. Reg. 7. de Samuele. Dan. 3. de Abraham, Isaac, & Jacob. Et ratio est: quia opera, & obsequia amicorum sunt gratiora, quam aliorum, & magis deferuntur petitionibus eorum, qui sunt magis intimi.

XVIII. Quod autem major dignitas personae conducat etiam ad majus merendum de condigno, aequali opere, probatur. Tum quia ex dictis status gratia est una ex conditionibus ad meritum de condigno requisitis; cum dignitas filiosum Dei evehat opera, quae per gratiam Dei operantur, ad condignitatem vitae aeternae. Tum quia: cum actiones sint suppositivae, id est non conferuntur quia nude, & per se, sed ut profecta a suppositis, seu personis: eo ipso, quod persona aliquam actionem facit in obsequium alterius, non tantum offert suam actionem, sed & quomodo seipsum, & sua obsequia dedicat. Qua ratione cum dignitas Personae in Christo esset infinita: & hanc in operibus Humanitatis Christi exhiberet Patri, operationes Christi erant dignitatis infinitae. Si ergo dignitas personae conferat ad dignitatem operis, non video, cur major personae dignitas non conducat, ceteris paribus, ad majus meritum, etiam de condigno.

XIX. Nec valet opponere, quod dignitas Personae in Christo erat substantialis, in nobis est accidentalis. Nam haec differentia non videtur obstat, servata tamen proportione.

Quia si dignitas substantialis Personae influebat in actiones Humanitatis Christi finitas meritum infinitum: ergo dignitas personae influit ad meritum, ergo quo major erit personae dignitas, eo majus, ceteris paribus, erit meritum, est dignitas sit accidentalis. Regia enim dignitas est quid accidentalitatum, & tamen nemo dubitat, quin Regis actiones plurius alimententur, quam unius de infima plebe.

XX. Neque dicas: si peccatum, quod committitur a persona viliori non meretur ex hoc majus supplicium; ergo nec bonum opus, quod fit a persona digniori, meretur majus premium. Nam vilitas personae non auget peccatum, nam ex hac nullam trahit circumstantiam, quae illud aggravat: illud tamen auget dignitas personae peccantis, haec enim, ceteris paribus, aliquid addit peccatum gravificans. Eadem ergo ratione dignitas personae dignificabit bonum opus, ut meretur majus premium: quia omnibus pensatis est melius, & gratius.

XXI. Nec obstat, Deum reddere unicuique secundum opera sua. Nam hoc intelligitur de operibus secundum omnes suas circumstantias, inter quas una est persona dignitas coram Deo. Hoc enim ipso, quod Deus promittit premium his, qui fuerint in statu gratiae, & ita condignitatem habeant ad illud; recte colligitur, promississe majus premium habentibus per gratiam excellentiorem majorem condignitatem.

XXII. Quiritur secundo: An opus, quod homo iustus facit ex gratia Christi, magis sit meritorium, quam esset, si aequali opus fieret ex gratia aequalis gradus; sed non esset ex Christi meritis?

XXIII. Respondeo, probabiliter esse partem affirmativam. Tum quia: credibile est, Patrem aeternum particulariter respicere ad merita Christi: ut ejus intuitu majorem nobis largiatur vim merendi, quam sine eo dedisset. Tum quia: Iusti modo operantur tanquam viva membra corporis huius, ejus caput est Christus: ideoque, ut Christo conjuncti, consentent majorem aliquam dignitatem participare, quam aliqui non haberent. Unde ait Paulus, Rom. 5. v. 20. & 1. ad Tim. 1. v. 14. quod per Jesum Christum Superabundavit gratia.

XXIV. An vero dici possit, quod cum mererem, bene operando, ipse Christus in nobis meretur, sicut Spiritus Sanctus dicitur loqui in nobis, Matth. 10. v. 20. & alibi. Respondeo ex modo explicandis pendet. Si enim fiat sensus, Iustus non mereri, sed solum Christum, sensus haereticus est: quia, ut ostendimus, fidei dogma est, Iustus proprie mereri.

Si sensus sit: quod Christus sit causa principalis nostrorum meritorum, quodque omne nostrum meritum ex ipso fit, neque ullum meritum sine ejus gratia in nobis fit, verissime dicitur.

Similiter si dicatur, Christus mereri in nobis: quia cum sumus ejus viva membra, actiones membrorum, ut tallum, tribuantur ipsi, ut capiti; ab aliquibus admittitur: rectius tamen diceretur, nos mereri in Christo.

Si tandem sensus fiat, Christum mereri in nobis, quia ipse, vel sibi, vel nobis per nostras actiones acquirit mercedem (quod est proprie mereri) sic non meretur nobis, cum sit extra statum merendi.

De Ultimo.

Utrum Homo possit Perseverantiam Mereri.

S. I.

Resolutio Dubii.

I. Merito est de perseverantia actuali, seu de magno illo perseverantiae dono, quo homo realiter, & cum effectu in gratia usque ad finem vitae persistit, seu statum gratiae cum morte conjungit; de quo in Tract. de Necessitate Gratiae, superius actum est. Et merito est de perseverantia viae: nam de perseverantia Patris docet Sanct. Thom. hac quaest. 114. art. 9. posse hominem eam mereri, etiam de condigno. Nam ultimus terminus divinae motionis potest cadere sub merito de condigno: sed perseverantia Patris cadit sub merito de condigno: de ratione beatitudinis, ac vitae aeternae, quae est ultimus terminus motionis divinae, sit perpetuas, quae est ultimus Tom. 1. in 2. Tr. de Ultimo Fine, Quaest. 2. Dub. 7. ergo &c. Quare sicut homo potest mereri de condigno vitam aeternam, ita mereri potest perseverantiam in illa. De perseverantia ergo viae.

II. Dico. Perseverantiam viae nullus homo de condigno mereri potest. Ita S. Thom. art. 9. citato, & omnes Catholici. Probatur hoc discursu S. Th. Illud non potest cadere sub merito de condigno, quod comparatur ad motum liberi arbitrii, ut a Deo movente directi, tanquam principium; quia principium meriti non cadit sub merito: atqui perseverantia viae comparata ad motum liberi arbitrii nostri, tenet se ex parte principii; quia perseverare includit continuum Dei auxilium, Iustus in iustitia conservans, movens, ac dirigens ad meriti non potest de condigno.

III. Confirmatur, id, quod cadit sub merito, est effectus meriti: sed principium motus liberi arbitrii a Deo directi est causa meriti; nec potest unum, & idem simul esse causa, & effectus ejusdem meriti.

IV. Probatur secundo, ex eodem S. Th. ibi in Arg. sed contra. Sic Omne, quod quisquam apud Deum meretur de condigno, infallibiliter consequitur, nisi ponat impedimentum peccati: sed multi habent opera meritoria, qui non consequuntur.

quantur perseverantiam: ergo &c. Nec potest dici, quod hoc fiat propter impedimentum peccati: quia hoc ipsum, quod est peccatum, opponitur perseverantiae: ita quod si aliquis perseverantiam meretur, Deus non permittit, illum cadere in peccatum. Cum ergo viri tota fere vita multa atque excellentia virtutis opera patrarent, multaque pro Christo sustulissent; in fine tamen donum perseverantiae non acceperunt, ut constat in Origene, & alii: dici debet, donum perseverantiae non cadere sub merito de condigno.

V. Probatur tertio. Nullus a Deo mercedem meretur de condigno, quam ipse non promittit: non invenitur autem, promississe usquam, quod bene operantibus dabit in hoc seculo perseverantiam: quin potius monentur omnes: Servite Domino in timore. (Psalm. 2. vers. 11.) Et (1. Cor. 10. v. 12.) Qui se existimat stare, videat, ne cadat. Ad Philippi. 2. v. 12. Cum meo, & tremore vestram salutem operamini. Et Christus voluit, ut omnes, nemine excepto, orent, ac petant: Et ne nos inducat in tentationem; igitur &c.

VI. An vero possit quis donum perseverantiae mereri saltem de congruo: dico, quod si meritum de congruo sumatur stricte, non potest illud mereri cum nemo, nec de congruo, possit mereri principium meriti, qualia sunt principia ad actu perseverandum. Si vero meritum de congruo sumatur lato modo, pro simplici impetratione; sic orando potest Iustus a Dei misericordia perseverantiam donum impetrare: sicut supra diximus, posse hoc modo etiam gratiam justificatam a Deo impetrare, quia impetratio in sola misericordia fundatur.

VII. Adverto tamen: quod si nomine perseverantiae sumatur tota series, & collectio auxiliorum ab initio primae justificationis usque ad mortem, sic perseverantiae nequit cadere sub merito, nec sub impetratione; quia totum meritum, & impetratio est effectus auxilii in illa collectione contenti, quod est principium meriti, vel impetrationis: principium autem meriti, vel impetrationis nequit cadere sub merito, vel impetratione proveniente a tali principio. Unde in presenti locuti sumus de perseverantia, quatenus praecise includit conjunctionem gratiae cum morte; quam si non mereri neque de congruo possumus, possumus tamen nostris orationibus impetrare.

S. II.

Objicientes Solvuntur.

VIII. Objicies primo. Iustus potest de condigno mereri vitam aeternam; ergo etiam illa, quae ad eam consequendam sunt necessaria: inter quae praecipuum est donum perseverantiae.

IX. Resp. dist. conf. Etiam illa, quae se tenent ex parte termini motus, con. conf. quae se tenent ex parte principii motus, nego conf. Perseverantia ergo se tenet ex parte principii merendi ut dictum est: principium autem merendi nequit esse effectus meriti.

Sed praeterea observo: quod perseverantia non est necessaria ad vitam aeternam merendam, sed tantum ad vitam aeternam consequendam; Iustus autem, est absolute merentur vitam aeternam, vitae tamen aeternae consecutionem non merentur absolute, sed si in gratia deservierint, ut ex Trid. sess. 6. cap. 16. & Gen. 32.

X. Objicies secundo. Potest Iustus alteri mereri perseverantiam; ergo & sibi.

Resp. dist. ant. Merito de condigno, & de congruo proprie tali nego ant. lato modo, nempe, impetrando, concedo. Respondeo est D. Th. hoc art. 9. ad 1. verbis: Etiam ea, quae non merentur, orando impetrantur. Nam & peccatores Deus audit peccatorum veniam petentes, quam non merentur. . . . aliqui frustra dixerunt: Publicanus: Deus propitius esto mihi peccatori, ut dicitur Luca 18. Et similiter perseverantiam donum aliqui petendo a Deo impetrant, vel sibi, vel alii, quamvis sub merito non cadat.

XI. Objicies tertio. Iustus potest sibi mereri de condigno augmentum gratiae, ut credimus; ergo etiam perseverantiam in gratia.

Respondeo, conc. ant. neg. conseq. Nam augmentum gratiae, sicut & perpetuas, quae est de ratione beatitudinis, habens se ad meritum, ut terminus; ista quidem, ut ultimus, seu ut pertinet ad ultimum, illud autem ut proximus: & ideo possunt cadere sub merito. Donum autem, quod Deus faciat, Iustum continue in bono perseverare, pertinet ad causam; & principium meriti, & non est ejus terminus: cum continuatio motus, & motus movens, faciens ut motus continuetur, non sit terminus motus, sed ad ejus principium pertinet.

XII. Objicies quarto. Iustus per unum, vel plura bona opera, potest mereri unum aliud opus bonum subsequens, seu auxilium efficax ad illud faciendum. Rursus: per illud opus subsequens potest mereri auxilium efficax ad aliud: per illud aliud: & sic usque ad mortem: ergo potest mereri perseverantiam.

XIII. Respondeo, neg. antec. Non enim potest Iustus per actum praeteritum, sive in presenti factum, de condigno mereri aliquid auxilium efficax, sequenti tempore dandum pro alio actu faciendum. Gratia enim, quam Deus solet in hoc seculo imperiri, non habet vires ad merendum id, quod se tenet ex parte principii merendi: nec inter actus priores, ac posteriores, vel inter auxilium prius datum, & posterius dandum, nec per se, nec ex divina promissione datur ordo meriti ad mercedem.

XIV. Objicies quinto. Peccator potest mereri oblationem in malo; ergo & Iustus perseverantiam in bono.

Respondeo, neg. conf. Quamvis enim homo gratiam possit demereri, oblatum ei ponendo; eam tamen non potest asserere, & mereri: sicut homo potest quidem a se avertere lumen Solis; illud tamen ad se advocare non potest. Deinde ad ant. dico, nullum in hac vita secundum ordinariam providentiam esse omnino oblatum, sic ut non possit a peccato recedere; quamvis mereatur, ut Deus illum in peccato relinquat: quia peccatum mortale ex natura sua dignum est poenitentia aeterna.

XV. Objicies tandem. Iustus potest mereri spiritum orandi, sicut oportet, pro perseverantia: sed qui petierit, orandi oportet, infallibiliter consequatur, iuxta illud: Petite, & dabitur vobis, Matth. 7. v. 9. ergo &c.

XVI. Resp. neg. maj. Non enim apparet, Iustum mereri posse de condigno spiritum orandi, sicut oportet, pro perseverantia: cum ad orandum, sicut oportet, pro perseverantia, necessaria sit oratio perseverans: orationis autem perseverantia non est proposita, ut merces proprie dicti praecedentium orationum, vel operum. Si tamen non sit fermo de merito condigni, sed congrui late sumpti, seu de simplici impetratione; sic, ut dictum est, Iustus impetrare potest bonis operibus spiritum orandi pro perseverantia, & orando perseverantiam ipsam; & in hoc sensu dicit S. Aug. l. de dono Persev. c. 6. Hoc Dei donum suppliciter evenire potest. Immo ad illud obtinendum, totam seriem orationum Dominicam tendere ostendat capitibus praecedentibus: sed impetrare non esse proprie mereri, etiam de congruo, est dictum saepe. Quia propter incessanter Deus a nobis orandus est, ut & spiritum orandi, sicut oportet, pro perseverantia nobis concedat, & perseverantiam ipsam misericorditer largiri dignetur: ut enim docet Augustinus citatus, cap. 1. Utrum quisque hoc munus accipere, quamdiu hinc vitam ducit, incertum est. His ergo praesenti Tractatus, ac universae Primae Secundae Angelici nostri Doctoris terminum figimus.

DE VIRTUTIBUS THEOLOGICIS.



IRTUTES Theologicae dicuntur illae, quae immediate respiciunt Deum, prout humanam, & naturalem superat cognitionem. Et propterea non nostris actibus acquiruntur, sed a Deo solo infunduntur: & eorum notitia, non humano ratiocinio, sed Sacrae Scripturae magisterio comparatur, & hominem Christianum a non Christiano distingunt. Tres autem communiter numerantur: FIDES, SPES, ET CHARITAS. Has ergo investigandas cum S. Thom. 2. 2. a quaest. 1. ad 44. succipimus, de praecipuis quaestionibus; quae circa eas agitari solent, sermonibus insipientes. Prius autem agemus de fide, quae ceteris, ordine saltem generationis, praet: non enim in Deum auctorem gratiae sperare, eumque diligere possumus, nisi illum, talem esse, cognoscamus, & credamus.